

石倉十二代詩選

百二十



明次八十之一


漢書門類	三七四五號	九七函	一〇架	一四二冊
------	-------	-----	-----	------

漢書類	三七四五號	一四二冊	三九函	六架
-----	-------	------	-----	----

內閣文庫	
番號	漢 3745
冊數	142 (122)
函號	319 25

明次集八百二十

百二十



石倉十二代詩選文庫

明次集卷之八十

黃門稿

大明

閩縣許天錫著
後學曹學佺閱

春日偕謝邦實邵仁溥遊烏石山浮觴浴

鷓池

好春無勝遊煙景難再續眷我同心人遊衍紹

芳躅南尋烏石奇蘿逕窮委曲攀躋初陽峰悠

然豁遐矚千山收雨雲四澤漲春淥天地淨空


明烏兔互出沒落花輕且閒點點浮紅玉流鶯

次集卷八十

月午客長

一

祥



縱嬌音細草展繁縟連袵俯天光洗觴泛醺醪
四事偶相宜一醉萬分足昔人哀須臾夜遊秉
長燭此意誰則知嘯歌山水綠

戶曹鄭汝美李夢陽見過

冰雪消未盡春陽猶作慳沈綿坐遲日曠廢羞
清班琴樽屏所愛安得有歡顏英曹鄭與李幸
此慰間關道言淡而馥芳襟偕秉簡回飈披庭
樹暝色動遠山開情盡杯勺向夕惜餘閒出門
月皎皎上馬不可攀

君馬黃

君馬黃我馬騮白玉為轡勒黃金裝轡頭腰間
何所佩琤瑤雙純鉤所期在遠道憩息崑崙丘
美人恐遲暮駕言指東路忽忽生別離踽踽何
所遇我馬亦悲鳴十行九回顧

休沐示同志

休沐盍同簪朱絃間清竹氛昏豁而開霏屑動
盈掬迺知靜者心往往愛幽獨明月炯虛簷中
宵未能宿吾生苟有懷詹尹何用卜往者已如

斯逝波詎可復脩途考初終舊軌存傾覆惟應
同心人此意籌已熟

題畫梅

洞江野客半枯槁只有梅花與傾倒蹇驢破帽
過南村不爲梅花被誰惱交情冷淡無人知怪
我凌寒起常早江頭臘月正月間雲裏十枝九
枝好自從作客向天涯萬里風煙跡如掃是誰
寫此斷腸魂坐對相思令人老可憐兩度度春
光不得香名入詩草今朝試筆爲君題清淚如

絲灑玄昊

雨晴邀林清夫飲

十日苦雨一尺泥野人不出其鹽蘂石上苔還
太古色階前草長如春萸念子長爲江海客窮
年不得同羹藜邂逅歸來始一笑門前高馬碧
玉蹄要路權家尚賓客馳峰屐筋杯玻瓈前者
京城惜君別古槐高柳秋淒淒與子幸無一水
隔相望何乃成乖睽人情世事多反覆貧交還
似糟糠妻清明遲子過我飲只有斗酒兼黃雞

次喬選郎宇詠新竹韻

秋山暮雨收銀竹白岩軒前月可掬開軒見月
弄清影輒有新詩續淇澳翠筠縹節想停雲金
薤銀枝知奪目此君擇地托寸根雪擁霜培漸
蕃育去年崛起纔二三今歲旋添餘五六不隨
凡卉竟滋蔓似識衰榮相倚伏憶我江頭坐嘯
時風雨瀟瀟拂茅屋別來幾度長兒孫回首光
陰一何速春城滿眼桃李顏如對宋朝親衛祝
渴心愛濯君子風幸接高隣不須卜

題畫用楊京兆巨韻

滄江涵清渚沙白青天去山不盈尺誰傾河漢
洗霄氛千頃波流浸坤脈松下山人綠髮翁眼
前霜根化爲石壺天曠蕩足棲遲枕穴須臾豈
榮適不知楚漢已隨塵自分煙霞久成癖一朝
沈澶充枯腸萬古乾坤信雙屐草木知春自覺
秋日出爲朝入還夕應憐世上夸毘子按轡遲
回礙行役不辭白首懷千金欲買青山愛雙壁
我憶洞江煙水村高山爲屏草鋪席豈無竹屋

歷代詩選 題鍾文選雲山圖歌
三兩間亦有煙波舟一隻會須養疴歸去來悵
望秋空暮雲碧

題鍾文選雲山圖歌

石屏山人過我遊手携羣峰挈滄洲買我如舟
小齋裏景象落落乾坤浮江聲撼瑤席山色懸
清秋碧樹何渺渺白雲空悠悠霏微煙嵐濕不
收翠光欲上人衣裘洞江先生起梳頭對之不
覺宿疴瘳但見翠微人家踈復稠石田茅屋莓
苔幽小橫橋澗風颼颼無人濯足寒磯頭磯頭

一葉小艇艇我欲乘之隨長流寧須騎鶴駕蒼
虬與君鼓柁訪丹丘餐霞飲澗窮冥搜

余使交州得木山于僧寮峰巒窳窳窳如

岩石用梅都官賦木假山韻

萬年木精化青牛瘦骨不朽沈江洲江州水激
魚龍秋神物始出隨迴流玲瓏律萃誰能鏤山
僧得之溪洞曾蠻方僻遠絕賞鑿木爾韜晦誰
怨尤洞江先生好事者邂逅願脫千金裘古來
琴材出爨下拔爾幸免爲人慄風厓雨谷偕我

老無復夢想仍丹丘

楊白花

春宮深春晝長楊花飛舞春雲香隨風忽度江
南去萬紫千紅俱斷腸離魂渺渺如春水蕩漾
楊花幾千里楊花流落向天涯宮樹朝鴉復暮
鴉

春日掖垣書感

遲日掖垣陰殷憂愧此心禦戎無上策撫事獨
長吟花柳青春好煙霽紫閣深悠悠空歲月衰

白易相尋

人安往歲

皇華思往歲一騎入雲中笛裏愁人月霜前落
葉風寒川陶戰骨野火燎秋空聞道河西寇今
來欲向東

居庸關

天設居庸險乾坤此北門山川通上郡形勢冠
中原鐵騎連三戍金城迫九關萬方資阨塞永
荷太平恩

關山秋夜月南客獨來看野迥金波澗風嚴玉
兔寒不堪聞戍鼓且未息征鞍孤寡空村裏何
時涕泗乾

胡來

胡來青黍盡胡去幕南開日落單于口秋生李
牧臺陰風吹殺氣戰骨蝕蒼苔酒淚向千古斯
人安在哉

九日

客舍黃花節今年花較遲清霜存晚意積雨滯
芳時興欲謀長醉狂來得好詩緬懷情不盡寥
落忽成悲

下詔獄

落照犴門西槐風拂面淒夕葵行蟻散秋草露
螿啼捧日心還壯看雲首復低居然動幽思何
必故園栖

過德州

遲日虹川遠春風錦纜長村明花幾樹河折柳

重行漢使昭星象周官列職方閒情觸佳景
為寫詩章

舟中小飲

落日在魚梁逢人問水鄉飛花隨棹遠高柳過
樽涼故國春無及晴川興且長頻年詩酒約百
倍未能償

過分水關

石磴上不盡青霄如可梯到關閩海近回首楚
天低絕巘愁飛鳥晴潭落斷霓尋詩聊午憩忽

見日輪西

憩楓亭驛

楓閱他年世亭餘舊日名驅馳耽午寂林薄送
秋聲書卷行空載塵心夢未清侵晨猶遠役華
髮奈愁生

大煙驛閒步即景

步屨緣沙岸牆雞忽亂號村貧茅屋矮驛古木
綿高白石堪垂釣青溪欲染袍漁人生理易雙
槩小銅槽

遊藕花居

五山皆佛國瀟灑藕花居水氣蒸樓潤山光入座虛
香牀松子落小徑竹風徐歲月纓微祿煙霞空澈廬

兀坐

兀坐如禪定空齋日又斜遊蜂窺硯水鬪雀落庭花
世事隨風馬年光赴壑蛇惟應倚脩竹高咏答韶華

望遠


望遠春還早思親日較長閉門踈世故抱病惜流光
買藥囊將罄呼朋酒已香江邊有草閑結綠自垂楊

送王永清之武陽

紫陌消殘雪青天帶晚霞雙鳧辭北極一騎向中華
風拂金明水春生博浪沙知君為政日豈有席門家

重陽前一日柬余景文

三旬違玉署一枕感秋蓬失譜琴忘操思家藥



滅功寒燿衝去雁暮雨入飛虫明日重陽酒煩
君對菊叢

謁嚴子陵祠

一點微星炯雙厓釣石存炎陵銷舊業過客醉
清尊草竹歲碑碣漁樵問子孫羣英如耿鄧千
載更誰論

立春前二日下茶洋

客路侵殘歲歸心勝急湍寒風吹落日健櫓下
層灘石過鼃鼃走山來劔戟攢華堂薦松韭能

得預春盤

宿大楓嶺

一宿大楓嶺客懷殊未厭夢殘山鳥識衾薄野
雲添淡月窺幽戶寒泉近短簷奔馳百年內吏
隱幾人兼

春日

春風憐病久分暖到窗紗雉堞朝無雪茅茨物
有華驚心惟節序快意自生涯南客今將發題
書可問家

送人之燕

燕雲七千里之子去匆匆酒盡溪頭上春歸暮
靄中桃花不受雨榕葉易吟風莫此傷離別男
兒欲豎功

戊午除夕泊建溪

守歲巖城下維舟積水前春風吹短髮夜雨送
殘年獻納成何事推敲祇自憐倦來成隱几飛
夢五雲邊

宿桃源與同鄉簡主簿志飲

西日銜雲葉南風鼓浪花亭孤留宿鷓鴣
歸鴉歲月驚為客兒童問到家他鄉逢簡簿又
作醉生涯

題畫

漁家在何處松塢枕寒流况與上方近時聞清
磬幽柴門掩村霧小艇釣江秋因憶尋槎客無
緣訪十洲

尋幽

尋幽無此地可以息塵紛藤絡懸崖石風迴出

洞雲因碁耽晚景待月續微醺興盡歸來路飄
飄麋鹿羣

遊南岩寺抵葛仙洞留題

穿岩越壑訪遺蹤直度虹橋扣石鐘雲幕半籠
青菡萏砂沫長薦紫芙蓉仙翁化去名猶在穉
子催歸興尚濃欲借睿陽揮日劍一川煙水已
高春

飲陳侍御風節亭

纖塵飛不到霜臺風節亭前長綠苔石榻舊携

明月坐竹窗今爲故人開客途只合添詩草
序都將付酒杯回首蒼梧雲黯黯與君愁思
蓬萊

題張文獻公祠

何處思賢一繫舟芙蓉山下曲江頭忠誠貫日
千秋鑑風度凌雲百尺樓野草荒煙迷故宅紅
蘅碧杜滿新洲文章事業垂青史直與雙溪萬
古流

戲贈李叅贊

帝丘居士負崢嶸老去猶為世網嬰幕府三年
多釀黍新詩一篋半言兵天驕自保豺狼穴朔
漠空懷驃騎營何日呼韓來稽顙更題長句贈
花卿

新秋卽事

九城踈雨洗蒸嵐獨上高樓看蔚藍馬挾秋聲
馳塞外雁將涼信到江南摩挲酒盞酬時節斟
酌方書理宿痰笑我與儒糜寸祿安西車馬怯
征衫

卽事

小聚村墟入柳斜青帘紅檻兩三家插花少婦
低臨水藉草兒童亂掬沙莫論酒杯防藥餌還
尋詩句答春華清風自覺生雙腋不待盧仝七

椀茶

飲易妙山亭和司空琬韻

風磴逶迤到此亭掀髯長嘯駭山靈漸離故宅
林楓暗郭隗荒臺野蔓青白水一泓雲作液雜
花三月錦為屏醉來不話典亡事欲覓青鸞跨

杳冥

謁陵

仙衛珠丘王氣深百靈朝護鬱森森風生虎谷
調春律雲起龍池結晝陰玉匣千年留劔舄金
箱終夕動奎參天潢正衍無窮澤萬國于今盡
獻瑗

政和舊徒陳生恪至詢及南峰讀書處

見說南峰舊竹林煙霞長爲鎖清陰溪邊茶竈
笋穿破谷口吟窩花覆深無數青芝生石室千

條白瀉下雲岑于今苦被塵纓縛祗恐仙源莫
再尋

寄鍊上人山房石上梅甚奇

六粟禪房傍古臺洞門長爲鎖蒼苔山頭舊雨
何人到石上寒梅幾度開龕壁光知江月上塔
輪鳴聽海風來八千里外常飛夢疑我前身是
萬回

送南光祿署丞徐麟

曾共西湖醉畫船鏡天花雨憶鳴絃清歌欲墜

歷代詩選 明詩歸 卷八十 一
孤山月浩氣真浮五色煙東省身同將倦鳥南
都官是半閒仙不堪明日河橋別相對秋堂畫
燭偏

寄華亭博士傅鼎

酷憐仙跡舊蒼苔世網那能一面開十載塵埃
人易老五更風雨夢初回春花東閣垂垂樹明
月西樓灑灑杯何似雲間雙白鶴數聲相和更
歸來

楊東兆惠銀魚

朝來江渚鑿冰痕獻罷隨登七貴門幾處豆羹
尊鮓鮓誰家玉食厭羔豚霜腴入鼎愁仍解雪
乳浮杯淡不繁撫事獨傷千古意重卿今却貴
魚餐

寄謝邦實

八年一夜梅溪口水悄沙寒晤語多兩地尚爲
愁伯道半生長似病維摩狂非疇昔惟心在老
易侵尋奈別何熟計浮沈俱拂意碧山明月負
春蘿

人日

人日晴明與物宜
負暄忘却宿春遲
融和天地新調律
零落親朋舊寄詩
千里客途蓬梗斷
一年春事柳梢知
東風只解欺冰雪
不奈霜華點鬢絲

送照磨潭還閩

紫薇幕府似仙家
每憶過從早退衙
覆地綠雲榕接葉
拂簷蒼雪荔交花
詩成蚪蚪刊脩竹
奕罷旗槍鬪細茶
京國相逢又相別
不禁清興遶

天涯

黎雲僧舍餞鄭希大

半年不到黎雲室
送客偶然來賦詩
緣念暫依香座息
好懷翻為別情移
合歡明日非今日
晤語新知向舊知
最是秋風易生感
坐來梧葉落參差

曉望

清曉纔披舊黑貂
門前物色便相招
野塘柳待風光動
茅屋霜隨日影消
聽鶴偶來松下逕
看

泉時倚竹邊橋無營更覽能借俗日被山僧酒
伴邀

車盤驛道中

楊柳風柔蕩旅魂耳邊流水咽潺湲青山當面
似無路黃犢出林疑有村途路客懷聊自遣閭
閻民瘼不堪言長安萬里家千里烏宿僧歸日
又昏

憶江上草亭

每到芳春便憶歸夢中江國舊斜暉渚邊舴艋

有時放沙上鷓鴣無數飛野興頓從官後減

書更覺病來稀年將半百堪惆悵鐘鼎山林意

願違

次杭考功闕左池上

禁籞輕雲宿漸飛九重樓閣曙光微螭頭濡筆
書言出鷄舌含香啓事歸雙闕曉風噓爽氣一
池秋水浸寒暉令人却憶西征士已有新霜上
鐵衣

題思親樓

歷代詩選

月午咨衷

次集卷八十

七

同

樓前舊鶴返長松
松想孤標鶴想容
極目逝波千種恨
傷心殘夢五更鐘
窗臨東郭當秋隴
簾捲西風自夕舂
如此樓居仙所愛
爽靈休上幔亭峰

春暮懷洞江草堂

近水茅堂舊樂飢
此時時物正芳菲
綠楊深巷黃鸝語
紅槿疎籬粉蝶飛
春院野雲疑我在
夜船江月照誰歸
十年京國成何事
却被緇塵化素衣

送葉成夫還閩中

南征白雁叫秋旻
送爾歸驂憶故人
月旦有評慚許劭
婚媿不斷羨朱陳
山間松葉他時醉
洞口榴花幾度新
懷梓况逢多病後
夢中魚鳥遞相親

大功德寺

第一湖山大布金
當時松柏鬱森森
月明高下樓臺影
風靜東西鐘梵音
苔上穹碑春寂寂
草荒行殿晝沈沈
劫灰易見如彈指
獨倚雕欄感

慨深

寄南光祿卿楊公峻

千尋古栢出霜林萬里長風稱鶴心還櫝已完
和氏璧飾釵那用漢宮金春山不礙雲雙屐曉
鏡何妨雪一簪聞說丘園多勝事老來筋骨更
能任

送鄭司訓歸玉山

三山之外小丹丘送客歸來半醉遊傾蓋無緣
松下問逢僧有茗草間留夕陽隱地千林暝皂

筵生風五月秋却憶鄭虔情更切茫茫雲六一

孤舟

曉吟

千里關山叫斷鴻五更鐘鼓報西風酒杯病後
如統扇詩興秋來似角弓努力不堪傷老大悲
歌何處弔英雄閒情無那成推枕又見東方海
日紅

送潘司訓璋任海南

五羊城郭瞰環洲君去之官是勝遊碧玉香分

蒲澗水綠蘿陰合荔枝洲淵人慷慨來鮫室海
氣依稀見蜃樓勾引十年幽討意欲從仙子問
浮丘

題李隱君山莊三首

春雲如幄蔭仙家十里尋君拂露華
傷舍野籬牽藥蔓過門流水帶桃花
詩清借問誰題竹酒渴時聞客喚茶
長日未將高興盡忽驚林杪鬧棲鴉

癡兒竟日了公家忽憶郊原物有華
策馬獨來

尋舊約聽鶯何處覓殘花杜陵穉子能賒酒
甫里先生解品茶坐久不禁詩思攪向君東壁醉

塗鴉

狂客惟思醉作家困臨池館挹光華
青天蕩漾魚跳水紅雨闌珊燕蹴花
午餉偶畱山客飯夕涼還赴野僧茶
明朝結束應官去鐘鼓長楊聽曉鴉

東省寮故人

小村山館隔風塵卉服椰冠稱野人
五粒寒松

蒼石古一旗春茗碧甌新非無剡曲堪乘興少
有壺天足抱真應悔鳴騶出空谷百年何日是
閒身

十月八日雪與諸寮倡和

玄冥初試發硎銛屑玉鏤花散渺茫畫裏漁舟
歸晚浦吟邊風竹瀉寒塘窗涵明月三分白簾
絕飛埃半點黃却笑年來衰懶甚鎮龍羔袖鎖
書倉

遊海珠寺

冠山浮動小金鼇擁出蓬壺控巨濤沙渚南來
遺識在海門東望暮潮高芳洲碧艸連蒼靄上
界青蓮吐白毫醉卧中冷呼不起欲招王子奏
雲璈

蒼梧閒眺

雲暗蒼梧曉正開獨舒懷抱向高臺千年劍在
神光現三足麋鳴使節來越雋西連山似戟桂
江東注水如苔登臨不盡雄豪興欲倒鯨川入
酒杯

晚至平南憶別馬察戎澄

寒江落日背孤城海月沙頭又欲明千里家鄉
殘夢斷一川煙水暮愁生不辭椰子杯中醉生
怕梅花笛裏聲陡覺別來滿
多情

安博站偶成

跼鳶飛處水如苔一髮青山認寶臺壓架芙蕖
更舊葉穿林刺竹長新胎村庄野圃春初動瘴
霧蠻煙午未開自是山皇恩天廣大平分雨露

及蒿萊

過鬼門關

隔林啼鳥亂鳴春纔到山巔又水濱老樹蒼藤
含霧雨層巒疊嶂蔽星辰穿岩越壑驅車險伐
木刊崖取道新生過鬼門關下路客懷爭得不
傷神

安南王送贖金禮物辭以此詩

歌罷皇華賦式微春風披拂舊征衣菁茅又喜
重苞貢蕙苾何須滿載歸國主儀文將贖意使

臣朝暮對天威不恭雖愧心如月留取清光照
瑣闥

征婦詞

明月團團出閨中夜夜看願隨明月影一點玉
關寒

過姑蘇

遠山如黛接平蕪白鳥分飛裏外湖寶帶橋頭
開醉眼江南詩景在姑蘇

晚眺

暝色遙隨旅雁羣戍鼙聲動不堪聞可憐天畔
登樓眼不盡南飛一片雲

三首偶題

朝回困懶坐胡牀無事可消春晝長尋詩不得
欲合眼啼鳩一聲花雨香

東津听同沈太史何大行晚眺

青草黃蒿滿野田溪行盡日斷人煙落霞幾抹
青螺小此是潯南夕照天

柳花

歷代詩選 明詩卷八
無賴楊花終日飛穿簾入座落人衣須憐客子
傷遲暮莫更飛來點髮絲

題畫
酒筒詩卷足生涯更愛茅齋傍水斜獨倚東風
尋句好一溪春綠漲桃花

題小景

三疊秋心萬里流蕭蕭黃葉滿汀洲籜冠芒屨
詩翁瘦併作江南一片秋

寄黃京兆澍

聞君伏枕在虛溝我亦經旬病裹頭一種黃
風雨裏祇應不似故園秋

曉發張灣

黃鸝啼歇曉陰開兩岫垂楊陰綠苔葉底輕花
看不見暖風吹入短蓬來

秋夜詞二首

七寶香臺倚素秋酒闌清切聽篴篥八千里外
人如夢月色經年不上樓

手弄雙雙交佩珠不知明月上庭梧秋來正望

江南信塞雁高飛過五湖
人嗟夢見身雖在不至愁

十賣香奩奇素好西關
世無空對八千里代

酒前燈交隔二首更愛
不長銀風火人談數來

三
風月與天無不
開哉并林在氣漸非亦

開哉并林在氣漸非亦
三

風月與天無不
開哉并林在氣漸非亦

開哉并林在氣漸非亦
三

石倉十二代詩選

明次集卷八十一

空同集

大明

北郡李夢陽著
後學曹學佺閱

雜詩

燁燁雲中電流光西北
馳僕夫夙嚴駕吾欲遠
遊之出門履微霜四顧
何茫茫豺狼當路達鴟
鴟薄雲翔改轍理方舟
欲逝川無梁俛仰歲將
宴愴惻涕沾裳

祭京師

歷代詩選

月李詩古

次集卷八十一

一

祥

萬蘿附松柏枝葉固相因行子戀儔匹况遇同
鄉親北風起河梁日暮多飛塵攜手同車歸駕
言西適秦道遠長渴飢客子懷苦辛仰瞻天漢
流夜永不得晨驂馬媚其曹鳴雁各求羣明星
出東方照易車下人夙興卽往道登彼高路津
還顧望京邑愴然何所陳

衛上別王子

晨風應候至雞鳴各嚴車我今遊宋中子當旋
舊閭僕夫理前綏轅馬悲鳴趨一別阻秦周相
望萬里餘首春霜露重厚汝征衣襦昔爲同袍
士今在天一隅故者日以遠疇能察區區

贈徐禎卿

獨處忽不懌攬衣循東廂樹木何脩脩春風起
飄揚我友駕在門告言適江湘倉皇挈玉壺追
送臨河陽顧瞻兩飛鳧金戲水中央翩翩厲羽
翮鳴聲一何長示何遊客子一別永相望時澤
亮有周天命固其當薄終義所劣別離庸詎傷
懿彼回路贈慷慨申此章

贈王舍人昇

迅風激高雲朝日照嘉林良友忽遠適惻愴摧
我心川原望靡極江路浩且深殊域寡親戚孤
子故難任荼蓼積愈苦淚下不可禁

劉氏二首

矯矯雲中鵠忽忽晨南翔連翩客遊子駕言逝
何方霜露日夜零東路悠且長意欲從子遊我
馬玄以黃徒思諒無益欲置難遽忘愛子千金
軀雙親在高堂

回車太行谷結轡登羊腸羊腸何崔嵬俯視見
大江大江日東注遊子悲故鄉故鄉復迢遞欲
濟河無梁晨起振我纓駕言行朔方丈夫貴榮
名臨路徒離傷

送姪木北上

羣鴉競時食孤鴻獨高翔丈夫四海心誰能安
舊疆仗劔辭所親策馬登前岡歲晏霜露繁原
野何茫茫草枯禽獸飢潢潦浩以長感吟悲兼
葭試鳴候朝陽勗哉樹名勲念茲西頽光



送谷氏

零雨晨微微艾葉何旆旆
 端居輟中憂駕言送
 行邁黃河流湯湯飛雲下
 燕代臨江羅觴俎趣
 景徙傾蓋轅馬望路鳴
 僕夫整衣帶孰非金章
 客子也獨所愛行行樹
 聲猷及此明良會

別李氏二首

逸禽耻淹棲良駟競先步
 出門有行遊諸所豈
 得顧辭燕戀舊壘渚雁企
 高鶩情離誠有猝心
 期固其素匪無便儂子
 新人不逮故踟躕野颺

夕分手即前路

二

前路乃何之迢迢夢雲澤
 霖雨暮戢戢囑予且
 停輓隕籜委川徑潢潦浩
 以白熒熒雙龍劔佩
 服我所惜水行蛇虫匿陸
 邁虎兕辟願言奉心
 歡庶與備朝夕

贈甯氏二首

野菽萎平吟寒露一何早
 凝霜一以零蘭蕙亦
 衆艸美人中夜興憂心
 怒如擣玉石誠靡別妍

華恃疇保瑟瑟谷中松見者豈不寶良無匠氏
顧歎息歲將老

二

白日何冥冥送子黃河陽執手無一言仰見雙
雁翔處卑心罔怡奮飛多中傷撫劒兩踟躕低
頭淚沾裳天運有銷盈志士懷剛腸去去愛景
耀離別固其常

述憤一十七首弘治乙丑年四月作是時

坐劾壽寧侯逮詔獄

天門鬱岌羗虎豹守其隅番番九苞禽頡頏舞
雲衢銜書奏至尊青龍與之俱光夕絕還響徒
倚空愁予

二

帝居杳何許蒼蒼隔九闈白玉為阿閣黃金為
重門可望不可扣仰見飛雲奔何當發炎旭下
照孤葵根

三

鞞響久不作烈士常苦辛魏裾已寂莫漢檻空

歷代詩選 明李唐詩
嶙峋逸馬向千載
名名懷斯臣
皇心苟識察
百死寧一身


懸車曜回景
夕風起喬林
撫茲散沈憂
浩蕩開重陰
迴翔瞻闕門
躊躇思玉音
宵坐焰明燭
懷古傷我心

五
大化罔不虧
人生固多艱
汎觀疇昔人
浩然發憂歎
自非餐霞侶
伊誰駐朱顏
律律南山岑
拂

衣會當還

孟夏草木長
垂雲一何淒
零雨宵始歇
西山朝復濟
兀然坐高春
時聞鶉鳩啼
逢辰寡宿懽
履運傷前迷
既無杯中物
何以寫我悽

飄風自南來
颯颯入我懷
我欲隨之翔
北向三重階
守闈遙望子
閭闔何由排
戚戚勿重陳
危言多厲階



八

夕雲鬱崢嶸頽陽入西丘返景漏林端明我屋
上樓靜久得玄理源澄復何求永懷鄒陽子聊
以抒我憂

九

苔井肅陰森獄廟悶以清車前當路翻紅葵夾
階生羈人散煩疴紆舒步中楹時禽變好音庭
柯敷夕榮詎知沮洳場曠然獲悠情

十

青青廟中槐交交一雙禽為巢育其兒結樛長
苦辛一朝驚彈羅移棲向高林我行適見之歎
息空彌襟

十一

秋宇夕陰陰寒燈焰不長氣棲遞微明飄忽如
清霜人云網恢恢我胡寓茲房墉鼠語牀下蝮
蝠穿空梁驚風振南牖徂夜倏已央於邑不成
寐展轉情內傷

十二

歷代詩選 明李處
小草生枯桑芊芊競芳辰雖云殊本根寄託各有因自我罹幽囚忽焉經浹旬我兄千里餘渺渺長河津妻子日望余蒼蒼隔西隣所幸二三友笑言越昏晨宵燈促燕膝昵語忘苦辛患難苟相得毋論骨肉親

十三

檐月何徘徊晨風復依依載言別同居倉皇倒裳衣處者各惆悵去者從此辭挽手刺刺語寄言家中知丁寧故與親願勿長相思明明昊天

威我久寧在茲

十四

皇矣彼上帝赫赫敷明威四序舒以慘中有玄妙機燭龍躍天門一朝景光回昔爲霜下草今爲日中葵稽首沐罔極欲報難爲詞

十五

明月出東方徒行反家室室人悉相訊問我何由出明知非夢寐欲辨仍自失喜極雙涕零轉面各銜恤垂燈照緗卷浮埃滿朱瑟愁言卒未

歷代詩選

月李獻吉

次集卷八十一

九

傾忽復見晨日

出十六

鳴鑣踰廣陌執簡謁彤闈道逢相識問倏如遠

行歸虎拜閣門下龍顏霽晨輝二后邈以迨吾

皇嗣其微從諫如轉丸苟求炳先幾令聞洽四

國壽與南山齊

是文十七

臣本草野士弱冠承恩私黽勉簪紱間低回報

容姿直湍寡回波勁本無弱枝天運不易測物

情諒如斯脩塗方浩浩駕言赴前期

不辭赴江西之命初發大梁作

戚戚辭故里盛陽遠行遊入門揖兄嫂征馬已

駕輶日午登前岡浮雲逝南流零汗透衣巾僕

夫行悠悠軀微懼命重慷慨但懷愁還望故所

居征鳥鳴相求而我獨何為道路常懷憂

渡漢二首

好遊良有殫今朝竟言歸洵洵舟下濤亂之將

疇依異途各為趨同木相隨飛適觀千仞禽誰

復瞻其輝

萬事雖貴豫數極誰竟猷竭來彈我劍且復三
河遊迤東望濠梁慨言懷莊周黃鳥孰興篇粉
榆迺見尤

李廣

李廣昔未遇射獵誰見稱君王猶未識他人寧
不輕日從田間飲夜止灞上亭醉尉前呼呵小
吏亦見凌一朝剖郡符飛蓋赴北平凭軾覽百

邑樹羽寧干城亭障不設燧櫪馬躍頓纓彎弓
射虎歸淡淡黃雲生自從結髮戰舍鎗無虛鳴
威懼五單于胡人寤寐驚孰知身運乖數奇竟
無成壯顏逐年衰白髮忽見嬰寄言雄圖者俟
命莫吞聲

怨歌行

怨違情有悲歡聚理無欺歡怨非中則感離難
重持纔見春華交倏已晨露滋秋風吹羅袂團
扇不復施團扇與羅袂用舍各有時炎寒啓迭

運超曠多遠期勿徒歎捐棄恩愛倘中移

歲晏幽陰積寒霖夕館空浮雲起城闕浩渺安

可窮悠揚橫太虛回薄蔽鴻蒙我有一叢蘭種

之良亦難飄風忽來吹零露苦相殘勸君留此

草蕭艾不可寶

草蕭艾不可寶

草蕭艾不可寶

寒飈振疎牖十日歲華改王孫怨脩路芳華若

相待寸心百慮嬰移疾屢朝晦范甌蛛網生翟

門雀羅在歎息中林蕙望望何能采

二

眠疴感歲晏中意長刺刺展策不能讀對酒寡

懽懽晨風激幽林堅冰滿川澤短景不可駐倏

忽變昕夕飛雲迅南征歸鳥厲其翼地北常苦

寒寤寐想温域

至後上方寺酒集

久陰晦昏氛我行值嘉明白日展冬曜雪霽松

林清景異賞貴延朋集杯難停入筵午未端歸

騎夕已冥衝風振巖廊鈴索抗高鳴塔虛響先
奔珠圓光易傾超物慮可澹遺榮累果輕久枉
證詮理一悟得所微


上巳海印寺

勞生苦役役况乃值温陽林園有嘉榮蹊渚生
柔芳秉簡迹已陳袂襖難獨忘駕言適蓮宇迂
紆陟虹梁峩宮延暮色陂樹藹青蒼詎知幽勝
區占茲佳麗鄉居然心境寂彌增塵路傷

春遊篇二首

東氣散廣陌北杓指青阪美人惜春陽鳴鑣事
遨遊遨遊覽萬物紆遲駐道周京邑藹九衢合
沓喧輪騶黃鳥集于林碧草生御溝御溝多垂
楊芳樹夾朱樓卑崇冑休澤鬱哉帝王州

朝遊東市陌暮出北城衢夕林何嶽岑華月耀
西隅宵征泝皇垣廻策遵玄湖春冰日以薄鳧
雁聚喧呼逶迤浦激貫金利據中區前有三石
梁宛若垂虹紆却顧雲中觀翳翳蔽松榆



秋日重過上方寺

居閒懷行遊觸景慨時速昨來春華敷秋草倏
 已綠芻蕘布霜漣叢蘭委寒陸纍果媚西陽漂
 穉滿空曲物遇信絲曠情移乃躑躅夷猶步前
 庭迤邐陟曾麓夕風一何厲行雲結相逐鐸音
 抗高聽墮影駭流矚聿非封侯骨虛疑燕頤肉
 飛纓靡不榮芒屨諒應足寄謝世上人吾久脫
 羈束

月夜飲別徐氏

仲月玄鳥集蚯蚓蟠于廬榻從徐氏飲置酒臨
 中除明月一何光衆星爛高虛中有參與商相
 望憐不舒人生雖有權詎得常相於夷猶廣庭
 內惻惻摻子祛哲人重明德邁士懷離居離居
 諒復合行矣慎所須

行省樹下

中林溽雨積蕪逕暑日薄衆鳥集于樾鷄風眇
 焉託披雲矚岑觀縹緲三阿閣踽踽懷昔賢擾
 擾疾勞錯夷猶攀榮柯慷慨念幽壑

贈張含

已嚴蓬池駕遽返夷門歇商風動榮草簷雨鳴
不絕客病良易積况值變華節悠悠城西館倏
爾雙經月昔至體流汗莎雞傍戶聒子也苟寧
志川廣豈難越

爾秦子百泉招

暑阻慮難周絃促調不緩風零徒情歎濯熱爲
誰纂昨在泉上期結念在晨晚折花信延竚欲
往心莫展

二

心展會有時跡乖難重期自我別林岑倏
二期物靈賞不延神往情詎移想在北池遊
橈驚南漪

三

南漪亂渚煙北池弄清漣芙蓉發錦苞白石響
礧泉慮澄美莫致景入情更牽攀英遲來迹倚
壑悵周旋

四

周旋歡莫同回策入雲峰陽崖亘積雪六月如
嚴冬若人竟何乘孤遊邈難從倘遇仙潭鯉露
我躡雲蹤

五

躡蹤誠靡尋佇瞻勞我心高高望雲霓橫絕天
中岑遊泉歎昔女隔阻匪惟今授桃遣來使倘
惠瓊華音

將赴南邑借丘長公巾車

北遊情未斂初吉復南驚積疴畏登涉怛然憚
脩路控銜力不任執綏性有慕願蹈高賢轍
在邛邛步諒茲無憾心庶慰車中顧

寄題隴州閻氏林亭

出處信不易卜築豈在遠聞君壯年日頗此遂
仰偃創基倚北阜開窗面層巘雜樹莽蒼蔚長
流激清淺跡異願不隔路阻日遂晚愉悅各殊
趣幽意不逮顯春風翻深谷裊裊葛葉展代耕
與灌園垂老付所遣

贈鄭淳

路緜家室怨久別誰奈苦荏苒及春孟冰消舟
莫阻臨觴歎河邁指景趣前侶汀曲帆易隱勞
心望徒佇

內弟玉園庄歸

逾年始及村日入復言歸言歸亦何爲景異情
難持沙禽噉噉鳴園林收暮霏暮霏轉急湍春
草碧漫漫我行已逾堤我心念猶攢志往物不
隔室遠詎無端誠合靜者慮郊野豈徒安

熊御史卓墓感述

幽幽山下江峩峩山上松纍纍松下墓瑟瑟
上風慨昔與君遊並遊京華中我冠省臺內鳴
鑿趨步同中更歎莫借永逝當何逢絕絃已易
慘挂劍今誰從駕舟亂回洋展墓臨高崇浮雲
駭南流顧望摧我東德音旣長已情感胡由通
秣餘泣麟意悲歌傷人命窮

徐子墓

晨興駕我車行行造古墓墓門一何寥踟躕久
延顧白阡脩且直青松夾中路借言葬者誰漢

時徐孺子麟出諒不偶龍潛竟何以峩峩東都
會藹藹青雲士一鳴爭及時邁迹歆先軌冠蓋
紛若雲車馬闐京里鳴玉氣自振排闥情難已
鴻鐘有競勳大策無停紀斯人獨岑寂哀歎勞
心理

孺子墓夏謁

懷賢意實勤展謁良已屢丰茸蔓草盛間關夏
禽哺野歛延竹戶丹華綴高樹徘徊想故榻流
連果誰遇

余懷百門山水尚矣頗有移家之志交春
山中入氣熙忻焉獨往述情遣抱四詠遂成示
同好數子

魯連蹈東海介子逃西山方舟信超越巖逕安
可攀揚烈猶靡懲置金徒嗟歎伊余秉拙訥薄
遊及茲年急湍有奔桴迫路無停轍慘慘滄流
月悽悽沙塞煙徒欽靜者意未遂同袍言偶耕
慕龐公岩棲景焦先捫衷諒有持顧已竟誰諉
復來感方寂解作憂更牽抑心二十載始別金

門還積疴謝人徒頗與踈遜便眷茲丘園榮豈
羨長苗篇

浮海傷固窮逾河歎誠邁濯纓萬里流高視九
州外功成奔運徂氣至流飈代淒淒秋柯零冉
冉春條媚周覽倦河壖孤踪冀岩瀨道以沈寂
超賞與崇深會豈惟超遠情亦因謝塵籟聿想
山中人風吹女蘿帶折麻凌險岬采秀越森蒼
眷彌志終申獨往竟誰礙亭亭太行峰崑崙百
門對抗手別故權乘雲弄煙瀝

覽遊百泉乃遂登麓眺望

束髮懷幽奇覽籍冀有遇來登百門泉果協佳
勝趣恣恣圓波涌藹藹浮陽聚止坎渟泓冽激
石迅湍注昔聞滄浪濯今解川上喻豈惟傷衛
歌兼以發蒙慮况值春序中羣物已改故菰蒲
昂清深鱗介各以慕行羨浴渚鳧靜對栖雲鷺
岩扉空潭影林藹變朝暮極目北上軌朝宗感
遊寓

綵鞍憩林木杖策陟陁陁峴巖連嶺參錯洲由岍
迴轉白日麗蘭薄原綠靜如洗嘯臺既清峻行
窩更幽緬慨念昔時人瞻望淚已泫薜荔夕搖
曳蘿逕復誰踐碑板半磨滅石門積苔蘚代異
道豈隔事邁迹空顯獨采石門秀眷此何由展
逝鵠無甲音潛虬厭汚淺曠哉古今意難與世
人辯

德安趨潯陽

始征晨風息雲流日色展登陸艱且澀厲濟一
何緬維時仲秋交颯颯林飈卷綠竹垂我車丹
花映行幘曷巒惟有松繡石盡成蘚攀攀雖多
悅亘頓乃勞倦日中迫廬岳蹊徑愈回蹇雲湧
連遙嶠雨暗失近巘奔崩萬壑會嶮絕一逕轉
遽詎川梁沒幸遇石瀨淺道以習坎利用待旣
濟顯介石諒益固巨川豈遂眩誰哉能豫謀隨
寓期可遣

宿圓通寺

曉發蒲亭邑暮投石耳峰僕夫因霑霑山雨猶
響松茲壑况深阻願望惟溟濛幽巖託層房豁
然臨候江竹脩苞北基巖峭垂南窗俯觀裊戶
蘿仰聆走簷淙挹此暫足遣遐想情難降陶公
有遺墳黃子留孤踪通止良固殊羈縛誰爲宗
坐聞吟猿蹊秬令歸思忡

卧龍潭

出遊青天礪遂至卧龍潭重岑上無極白日蔽
寒嵐巉峭詎能步嶮絕誰可探歷石誠巍倨捫

壑驚衍裕我行值秋季霜藹揣庄南午攀日忽
夕足倦情愈酣雷瀑響岩淵孤花媚澄涵撫景
悟命意循跡想名庵庵廢人踪絕岩剝文半滅
世異坦道塞慨茲忍能說

白鹿洞徧覽名跡

情高忽凌厲步健輕巉緬葛弱亦須捫崖滑每
獨踐涉清愛重屢探阻遺驚眩始茲陟五峯遂
憩松下嚙巖桂紛始華石耳翠可卷追想白鹿
跡伊人竟何遣觸端緒自縈薜荔况在眼慨歎

意莫置願望日已脆夕湖浴岑岫流光滅蘭坂
命酒寫幽獨鳴琴且游衍

始至白鹿洞

曠哉超世志緬邈平生思鬱壹眷名跡久注
山陲南涉枉嘉命果諧夙所期仲秋岩壑清
館復在茲白石激寒湍岩蘿裊空基黯傷逝者
往密慚來者追性同道豈隔途異理空悲興言
懷昔賢日竟眺前岐榛荒徒鬱紆林崦一何深
感情匪哀歎聊詠昭言垂

廬山秋夕

山壑寒氣早日夕風色緊火流桂將歇霜至蕙
草隕蟋蟀集澗館禾黍被疆畛感物憂自攢排
遣情詎忍年徂身與衰時棄世所哂躊躇夜不
寐起坐萬念軫崖傾月西流嶂曙松猶隱噉噉
露猿啼行行采方菌

落星石

千江勢欲倒蠡門支孤嶼輝輝雲崖映洶洶湍
瀨注霜水落丈餘石角露齟齬探奇犯嶮涉停

旄挈賢侶舉裳入松寺倚竹望風渚崩奔亂帆
下蔽曳波鳥舉秋空澹明澄浮山互吞吐靈根
合道蘊曠蕩豁福阻貞非亞砥柱險可金灩澦
不聞永嘉勝祗因謝公許

泛左蠡

辭山意不悅水泛暫可樂微風逗帆席日鏡展
光耀揚歌蕩溟昧鼓柁極窈窕指顧異晨暮俯
仰改觀眺出沒湖中山明滅海上嶠素輕左蠡
險今覲石壁峭謝屐久已蕪陶磯寂誰釣解吟

松門詠令人發悲嘯

山如赴懷玉山作

始臨清溪寺不謂茲路艱崎嶇踰南嶺轉見山
鬱盤重陰起北谷凍雨響前巒志定邁孰禦勇
往竟孤攀挽葛接懸狃架木凌飛湍律律巖壑
變颯颯嵐風寒隔港望絕岫亭亭已雲端

薛家樓宴

閒遊北城隅俯視清江郭洪川帶名都形勢自
相錯樓觀藹鬱鬱街巷紛以漠北城良已高况

歷代詩選 明李處言
陟城上閣輕裳拂倒景飛檻聆天樂夕山一何
蒼夏潦彌井絡衝風激回流玄雲駭難泊暗觀
逝者危遂悟居者樂慷慨亮易感捫心果誰惡
夷險非我爲彈劍且盡酌

曲江亭閣豐城縣

纜舟金華潭遂陟岡上閣蹊徑阻紆鬱岩水光
參錯夏林一何清餘雨浙未落高覽景自異况
值晚霽廓夕日明錦湍歸雲擁華薄近日幽聿
蒼遠嶺復岑崿曠蕩感遇寓俛仰歎今昨不見
往者悲祗覲來者樂顧瞻大江流愈恨代謝速
源湧竟誰禦謙守諒能曲所貴遺榮名覩義願
有勗

武陽抵進賢

大宇流玄化生情互陰朗積霖夜猶注寒陽朝
遽上蕭蕭晦色歛晶晶川水廣楓林一何赤沙
嶼鴻競往涉河歷紆鬱登嶺暫停鞅撫江信縈
帶鍾陵氣弘敞荆俗雜澆厚徵賦則邦壤佩刀
豈民性剪戮歎幽枉

歷代詩選 明李廣言
廣獄成還南昌候了

一淹經六旬揚舲復焉極脫然難靡由事事嘉
可卽依依春功奏朗朗維夏逼故茲波與嶺觸
目異前昔逸雲散歸雨川水浩崩溢挂帆趁風
溜覽岬奏悲憐昨猶置中鬼今爲頑林翼逸言
念先古展矣我心獲

二

直木防見伐茲言豈我欺若華耀四海孤邈疇
見知莊鷗運池溟舉翼九天垂風積苟不厚中
路將安期歎息竟何語俛視川波馳溢霖鷲溪
濤千載固厥時燕石一何珍有驥不自持野蹙
激靈襟逝言惋長岐

二

時至鮮枯林朱蘭被長坂臨嶠覲賢跡停楫暫
游衍靈雨吐葛花柏葉已復展佳哉溪上邑流
峙亘而緬岑岑徐巖秀飛泉洒丹巘岩亭交景
風裾帶時自卷居高乃慮孤涉歷悟攸遣枚枚
三陸宮千秋竟茲顯

歷代詩選 明李廣言 次集卷八十一 王

昔遊東山日覽古肇新宮徐令實經營絃誦溢
其中閱茲奄三年離滯心莫同我舟非不維奈
此西逝風乃子胡德余于邁遠從公朝旦祭龍
津暮栖依瑞洪湖山沒如拳波途浩難窮佇瞻
有深懷貽謠勒堅崇

功德寺

宣宗昔行幸遊戲玉泉傍立宇表巖巢開池芟
荷香波樓遞感沓風松奏笙簧百靈具來朝落

日錦帆張萬乘雷霆動千巖滅流光綺繡徒
轉翠旗杳低昂法眷撞鐘鼓宮女扶御妝笙鏞
沸兩序星斗宿巖廊至尊奉太后國事付三楊
六軍各宴眠百官守舊章巡非瑤水遠跡豈玉
臺荒嗚呼百年來回首一慨傷鳳騰赤霄暮龍
歸境茫茫山風撼網戶紫殿生夜霜退朝值休
沐我行暫翱翔娟娟登岍岍林慘慘度石梁廢道
哀湍寫松柏間成行啓鑰肅覽歷過位增悲涼
積久洒掃缺乳鴿鳴膳堂舊時瑠璃井倒樹如

人長神已佐上帝教猶託空王鈴磬颯鳴憂晨
昏禮相將盤遊非聖理操縱在先皇願今朝廷
上不改舊紀綱

呂公洞

厓相豁一門怪石相撐拄谿衍自吞呷白晝亦
風雨陰處汎清泉積苔蔭鍾乳往聞茅山勝夙
慕華陽主路遐限派往倏歷十寒暑經亘騁心
目小憩偕道侶茲洞雖人境固足託茅宇惕然
忽內咎我何戀簪組

香山寺

萬山突而止兩崖南北抱鑿翠置殿榭級石上
穹昊高卑各稱妙曲盡結構巧有泉如線縷盤
轉出松杪嗜奇忘登頓緣危肆探討險絕逼牛
斗蕭颯若風島夜宿來青軒天色碧可掃湖沙
靜莽莽海月白皓皓想當邦邑初此地只蒿草
綺麗佗誰鑿巖壑門相裊但看全盛時民力爲
茲蒿

平坡寺

西山萬佛宇蘭若舒錦繡平坡憑風迥突出衆
 山右宮閣因岩坳而勢巧相就百里見瑠璃巖
 嶠戴雲構朋遊探絕迹杪秋歷羣岫得此目力
 展恍疑出氛囿仰看北斗逼俯恐東海溜雄壓
 香山麗閣掩望湖秀落木響岩牖寒嵐染衣袖
 延緬古今并佇立悲慨湊盛葉慮反始危基有
 傾仆千載誰復臨逆想蓬蒿茂

天馬

天馬從西來汗血何歷歷天子顧之笑置在黃

金櫃嗚呼神駿骨草豆日蕭瑟瘦骼突礮瓦符
 轡挂在壁白日涕至地青雲志拋擲朝望碣石
 津夕盼流沙磧猶能肆橫行倘君賜鞭策

古意

有鳥何方來哀鳴向西北我欲縛此鳥天路踰
 且棘悠悠浮雲行照我暮顏色丈夫重幾微男
 兒死邦國長鯨一奔逃萬網不可得平生反掌
 志對此空歎息亭亭特生杜道傍皖其實孤桐
 雖良材棄擲處遐域而余竟焉往嗚乎淚沾臆

遣興二首

金陵固麗地幽薊亦名城
皇天作南邦北斗開
瑤京萬國梯航入
宮殿造泰清大哉帝王居
海岳自環紫禹功肇胼胝
湯也勤四征煌煌肯構
訓聖人垂其情

二

四海為我土九夷盡來王
貢琛至北戶北至玄
谷陽我祖秉天鉞血戰開
其疆當時受命佐一
一皆忠良噴薄倚日月萬
古瞻騰翔乘運雖有

時盛業當自強

歲暮

軒坐意悄悄感此歲年暮
一氣有肅殺昊天縱
霜露衰容搖萬物日月立
復度赤驥初長成自
謂中君御揚鞭過都市萬
馬不敢步天寒草蕭
瑟側塞在中路良辰不再
至我髮忽已素不見
古賢達盡被名所誤沈吟
惜蟋蟀延佇羨鷗鷺
終然托遠適餘者豈足顧

十六夜

四海蒸爲雲三夜皆天風他方縱有月不照長
安中長安十二樓戶牖鑿玲瓏貴家金張徒高
宴開帟幪華燭代明月何必光遂通夕露久已
晞懽娛良未終迫塞諒有殊盛衰寧見同悠揚
雲中魄旣滿還自窮鬼神惡盈踰天道懷其公

小至

日爲衆陽宗來往成謝代來之生萬物往以告
成歲亭亭羲和駕建此南飛旆雙龍服偃蹇流
雲翼其外和風卷東霧重陰颯無賴樞知化工

翰冥與天意會大君肅嘉禮君子幸亨邁誰能
助新陽爲我激靈籟

贈徐子

偃王世蕪沒石麟亦埋翳徐子發東吳英論有
餘地龍遊滄浪阻日出浮雲蔽嗚呼獻玉士竟
洒荆山涕光掩明珠棄寵奪西施廢古來共如
此不獨君遭際余本澹蕩人傾蓋託莫契酣歌
繼旦暮醉酒無陰霽各爲征蓬散吾豈抱爪繫
舊時南陽宅回首成迢遞蹈海有夙期與子自

歷代詩選
明李虞吉
茲逝

七夕遇秦子詠贈

皎皎河漢月照我西南樓
七夕遠賓集置酒城東
東陬展席對雙星盈盈
隔中流豔豔靚妝女欲
濟無方舟神爽卽易合
茫昧竟難求明明君子
德寡妣誰爲仇豈無采
唐約失身良見尤人心
信齟齬世事良悠悠不
見古時人皓首猶公侯
葵藿不餓死富貴安可
謀願繫場下駒盡我盤
中羞我今爲秦聲子也
當吳謳酣歌達清曙臨

分贈吳鈞

與殷明府期嵩少諸山不果十四韻

旅寓限崩迫騷屑隘煩
務向來嵩少約屈指謂
旦暮豈惟攀時彥兼欲
展秋步僕夫戒衣糧車
馬亦充數胡然泥行邁
遂此歎乖迂峨峨雲中
峰阻爾獨何故佇瞻風
嶠突側耳石泉注夜來
逍遙夢忽落嵩山樹纍
垂松猿噉澹池岩姿露
存以超彷彿醒若涉顛
遠彼美眇何許茲端愴
難屢采蕙忌及晚我疾
畏晨露煙蘿四時嘉春

歷代詩選

明李虞吉

次集卷八十一

三

可

服易爲具河陽羣葩祭振策冀有遇
乙丑除夕追往憤五百字
憶昔蕤賓初皇疾輟臨伏維日白氣亘黑風復
排踢俄傳天柱折忽若慈母喪帝本堯舜姿末
履轉清伉欽衽接耆碩高出文景上兩宮悅孝
子九廟歆流鬯毅然整六師霹靂無前向犬羊
遁朔漠鯨鯢蟄溟漲因冲不疑壽日表空殊相
蜿蜿湖中龍一夕拔驚浪回首哭蒼梧魂斷湘
南瘴念昨下明綸臣也誠無狀誓死叫閻闔伸

頸其礎益梁竇勢如灼漢廷色惆悵皇乃西園
遊召彼侍供張從容悲酒間似讓還非讓未剖
青鎖封已下金鷄放臣某詎足惜統體關衰王
歷數古明辟聖節疇能尚逝欲碎臣骨顛帝不
得廷攀髯眇莫及痛哭橋山葬玉光動前星朱
符闡靈貺玉器難久虛勉起答羣望金木歛爲
崇太白晝相抗羯胡敢余侮吾徒盡乘障嗚呼
榆臺役棄我六千壯踉蹌戰士骨躓跋將軍韞
二堅固輕率腐屍亦云當所恨國威辱北鄙氣

歷代詩選 卷之八 五
悽愴鉦鼓疑皇情可以慰宸况悽悽建未月臨
門遣征將統袴作元戎京軍本浮宕翻使沿邊
卒束手遭箠掠揭嶧雲中城誰復扼其吭胡來
風雨聲胡去橫拍唱千村與萬落人煙莽蕩蕩
嬰兒貫高槩志婦經衣桁狐狸叫破壘落日悄
蒼莽此輩誠鼠竊反覆亦難量騏驥駕鹽車虛
名縛骯髒世豈乏頗牧賤或執鞭杖瑣瑣登壇
考飽之則飛颺吁此良太枉國慨何由暢水旱
而秋雷陰陽迭驕亢皇天雖至公視之但塊塊

巨當歷服始謬進大夫行退朝實憤切欲
官謗武王秉黃鉞師事太公望列聖構梁棟駕
馭亦英匠先帝升遐日臨榻召三相

田居左生偕二李見過

習宦非我長官久計轉拙遭斥還田廬獲與初
念協樹菽良有期農事固堪悅飄飄緣原風晶
晶明川月披襟恣吾適既夏不知熱回思行役
日寒暑靡得輟踈懶古雖鄙任性亦可說膏疇
矧豐蔚積潦復淒冽白日皎在茲停雲靜如結

爲謝二三子努力慰衰劣

去官今七暑漸與農務親隨宜諳土性言話羣
野人時或遡微風行歌響空椿先民邈何攀慨
然傷我辰慨傷適誰知所有二三賓文論日往
來炯炯高義伸炎雨回衆姿涼飈起脩畛兀然
林木下日入忘歸輪玄蟬夕益聒去鳥一何頻
野行畏多露無使侵衣巾

城南別業夏集

荷鋤侈高詠濯纓肆佳吟疇知稼穡場乃爾
蒨侵步風逾曾堤徙筵趣重陰于情既有托囑
寓良自深逶迤波上雲征征草間禽隋臺信已
古巍城方肇今驗物果足遣盃乾聊復斟

十二月朔

積陰凌紫極玄霧暗三辰黃龍游帝時萬乘若
浮雲六蚪何蚘蟻雜沓走天神明王熙庶載至
敬達郊禋玉輦親牛豕重瞳注鹿羣精誠先百
物咸德屆犧人揚鑿回御道九宇冀陽春

次集卷八十一 廿三 江

夏歌

積潦溢廣澤炎雲翳崇臺玉階履綦絕紫殿生
莓苔螢流踈竹靜風動綵幃開佳期悵千里竟
夕以徘徊

湘妃怨

采蘭湘北沚搴木澧南尋淥水含瑤彩微風託
玉音雲起蒼梧夕日落洞庭陰不知篁竹苦惟
見淚斑深

出塞曲

單于寇邊城漢將列長營旌旗蔽山谷鉦鼓晝
夜鳴乘我浮雲騎殺我明月弓奇兵左右出長
驅向雪中彭彭陣結虎颯颯劔浮虹一戰阜蘭
滅再戰沙漠空歸來獻天子長揖不言功

漳津夕眺

揚舫亂北渚靡蓋望西陵帳殿牛羊下歌臺麋
鹿升日夕松柏路蕭蕭響風樹連沙收故浦空
山沒蒼戍徘徊望霸氣鄴城在何處

呂仙祠

歷代詩選 明李虞詩 十四
孤遊逢呂跡永逝感盧生眷彼炊梁術契我遺
世情蒼山故國道落日邯鄲城陰陰祠宇夕宛
宛曲池清不見金芝侶誰聞朱鳳聲田鼯穴桂
壁野閣蔓松楹寧知往來者不是寐中行

三日河上宴集

觸霽邁芳坳脩夜臨長泊雖非曲觴飲聊異秉
簡戲波延拾翠舸岍匝尋青騎羽爵戀馳景鸞
簫劇春思羣謠狎鳧雁撫適懽同志亦以擴凡
超流連豈吾事

詠樂溪

濯足荒溪口延望大江濤石樹環碧綵泉潭生
翠陰經亘涉清漣沿洄登素岑日暮樵響絕但
聞山水音鴻雁遵渚飛麋鹿聚空林而子豈不
樂其如兼善心

遊寺

福心傳輩寡幽境每苔步懸鬱倚磴歇馮孤眺
迥屢洞塔陰古宇芬蘿裊澄樹佇觀野禽哺此
外豈吾慮

昇天行

市居苦煩溲陸著懷清波緬思溪壑側丹崖卷
曾阿仙人桂樹下窈窕攀清蘿我獨塵歎內營
營欲如何

春遊篇

古臺悲帝子歌吹餘春愁草綠夷梁野雲浮河
海流擊壺詠四澤鼓鐘眺三洲攀條已無那駕
言誰倦遊

正德四年七夕上方寺作

逸人厭囂俗達士樂閒勝乃茲城中林而非車
馬徑積雨豁新霽雲石掩秋映微陽下孤塔潦
水夾明鏡已疑塵寰隔况覩運方淨豈惟慕真
覺亦以叩銓證玄蟬共西夕浮雲本無定

戊寅早春上方寺

逾年罔涉茲過之門巷疑匪畏霜露辰肯與春
事期徑蘭芊故叢苑松發新蕤陟丘念廢居升
危眺回漪抱以幽曠豁情緣悽愴移驚風遞虛
塔振振空廊悲得遣復安較勞生良爾嗤

夕集上方寺辛巳春
 晨飈奮以厲夕林回晏温郊遊悵伊阻駕言乃
 松門春湖静瑤宇塔蘿裊清樽遙睇被原草近
 舉臨水蓀花雨時自落法雲凝復奔淹留遲寶
 月破此人徑昏

山中

山中雨乍歇一夜瑤草長風吹翠岩竹下應石
 瀨響時來展書坐悠悠絕塵想

置薪

讀書古木陰置薪倚其根露零石徑滑雲起溪
 日昏白虎起魏觀金馬開高門君自薄簪紱難
 稱國未恩

九潭詩

峒峒千仞嶺下有百尺潭夕風起微瀾漉漉動
 晴嵐俯之鑿我心佇翫雲波涵流蕤颺寒清躍
 魚手可探蹊暝樵響歇猿鳥來相叅寄語泥中
 物長蟠恐未堪

登東城樓晚下樓作贈同遊數子

登高散涼目隕然日云暮逃暑良已厭戀景復
 延顧曠野起暝色層闔合昏霧眷言樓中客共
 此城上步蚊蚋撲面游蝙蝠時自度二儀但莽
 莽一氣黯翹互晝夜本定理明晦非難悟日入
 各言息鐘鳴復馳騫嶺萃宋帝閣突兀信陵墓
 往似宿沙禽來如綴花露徙倚千仞梯長謠發
 悲憫

寄贈端溪子

歎鳳世已遠悲麟竟何為蘭蕙秘幽巖蕭艾盈

路岐君子抱明德傷也誰復知隨流非我心特
 立乃見疑亭亭南山松匪無霜霰摧寒蕤但不
 改孤貞常自持

二

智者尚高契達人慕希聲曠世有相感同時悵
 難并烈風起玄朔百卉忽以零登高望所思慨
 然念狙征鴻雁序翅飛麋鹿呦呦鳴為言明馨
 子盍簪終有成

贈蒼谷子

玄雲翳白日積陰何漫漫風氣日以淒泥雨常
 不乾漂穉委川塗百卉良可歎覽物懷伊人撫
 時悲涼寒憂來如亂絲理之勞無端為霜念逝
 鵠多露怨芳蘭所嗟聲影隔匪懼馨香殘徒把
 瑤華音長謠望林巒

贈青石子二首

高鳥有違羣離獸多悲音懿彼婉孌子悵然分
 此襟朝發南河隅夕暮乃北岑玄雲既無極黃
 波浩且深君其四海翔無言還舊林

二

季秋凋羣木寒潦溢中軌笳鼓濟方舟軒車匝
 河涘攀德惜遙邁悵分睇馳晷采蘭徒情結把
 菊為誰美願子厚衣襦霜露自茲始

贈魏子二首

霖潦久迺歇晨興送還輶野寒泥淖盛念茲途
 路脩人生苟相許豈必曾綢繆踟躕東路岐贈
 子雙吳鉤

二

八月浙潮滿念子鼓南楫海月團會峰山峰下
下江葉里間多宴娛仕宦有榮業早甲北向轅
晝日望三接

寺遊別熊子二首

天地固常爾遇之情不同但看搖夏樹何似飛
秋蓬古來怨離人豈必窮與通默默兩無語坐
披琳殿風

二

夕風起涼閣入耳松撼撼當此佳勝區誰忍遽

離析簷鸛戛戛鳴蘿翠滿衣席異時冠蓋場
憶幽賞跡

甲申中秋寄陽明子

風林秋色靜獨坐上清月眷茲千里共眇焉望
吳越窈窕陽明洞律兀芙蓉闕可望不可即江
濤滾山雪

初秋上方寺別程

勝地亮常爾佳士難屢并未窮結駟遊遽復揚
帆行古林鬱城隅石門敞幽清趣風選濃蔭布

席觴羣英竹涼時自來殘暑驕未平戒飲今二
暮爲子杯一傾義投不在故迹遠心自榮念茲
徘徊意時哉樹嘉名

贈鄭生二首

秘秋木葉脫霜露告成歲驅車遡寒郊觸物念
征邁戒舟有成日維駒阻心愛所幸旦暮留前
途或風瀨

二

伊予解組歸汝也羨少年駿馬臂兩弓射獵梁

王川感子重意氣授之黃金鞭萬里不易致悲
鳴爲誰前

寄程生

河日淡莽莽飄風但塵沙陰陽爲誰爭時至枯
亦葩念離傷歲窮懷昏怨途賒彼美杳何許孤
吟弄瑤華夜攬海門月晨吸波上霞苦心誰固
知延望長自嗟浦雁回故翼汀蘭茁新芽無負
沐上約梁園多奇花

庄上晚歸車阻于潦渠徒步始達于岍

暮醉各言歸風起草獵獵潢潦溢中軌車至不
 可涉野黑徑復曲魚貫踵相躡良懼蒼耳窟重
 為蜥蜴怯童穉行我先溝塍負而躡世事本夷
 險人情有驚怙閒素輕波濤臨川想維楫履坦
 合自咎長吟詠匏葉音悲發領外美奇辭猶心
 山夜
 孤月上東岫白鶴激秋唳涼風振溪壑林影颯
 搖曳山居本深靜夜氣復澄霽冥心向千古聊
 焉託真契

田園雜詩五首

朝陽暖秋木凝露未即晞翩翩啄榴鶯白鷺集
 復飛衆穡既登載我事亦漸稀晨興坐東牖兀
 然對紅薇噉噉一白鶴北逝將疇依恐茲稍梁
 辰而汝甘長飢

二

大車行棘棘小車響額仄隨分各有營急耆稼
 與穡旦出在田野日入未遑息長陰下西夕蕭
 颯起寒色雲霞變形氣照我桑麻國立看勞耆

歸露濡徑不濕
 野清雲氣滿場功亦云畢收穫雖有殊大小各
 盈室感茲狼戾年追念憂苦日紛然嗔其饑妻
 子孰遑佚歲工借寒煥人事坐勞逸蕭蕭原野
 霜何草不垂實

四

壯時掉塵鞅老乃即農務值茲田事終怛然感
 霜露原萋日以斂林華不守故嚴霜淨游氣翔
 鵠在天路鸚雀躍蓬蒿啄食不滿嗉而余竟何
 言飯牛髮全素

五

田居亦安娛患者寡朋仇農談或時歇仰視蒼
 雲流青衿者誰子道言即我謀開尊而圃場剝
 棗充盤羞物小意固勤觴既情仍留鼎鼎遠天
 色秋暘下林丘

秋詩二首

百卉凄以腓游行散我矚夕風一何瑟入園乃

華馥菊也紛其英脩篁積寒綠人生匪金鐵榮
落譬草木磬折者誰子誓死日爭逐賢貴與賤
愚咸云孰還復烏雀各有安無爲智者辱
北風胡雁急小禽亦南飛輕俠羣少年求伺爭
有爲戈彈無遺木畢施在中達百發不一獲用
心良足嗤黃雀墮計中鳴吽如得依白鵠舉雲
漢覽之心內悲小大有分量瑣瑣豈知微

桂巖行

白龍不識漁溪惡化爲漁服遭人縛黃髮先生
困泥阻白馬小兒氣揮霍道傍朽木藏蛟龍雲
靈猶聞夜火紅寄謝少年諸數公貧賤豈必皆
愚蒙桂巖紫芝春盡祭騎驢且覓商山翁

夜行歌

月輪未安光已皎我行夜出夷梁道力疲足酸
堤上坐黃狐怒立啼向我宋家宮殿盡瓦礫陂
湖燒鹽焰婀娜忽憶東京全盛時月行對此誰
能那

歷代詩選 卷之十一 古白楊行

百泉東岍三古楊下枝掃拂書院牆上枝瑟瑟
千穹蒼空山野陰雷雨黑柯榦冥冥動山壁剪
伐難爲棟梁用盤踞翻逃斧斤厄但見白日悲
風發寧知六月撐霜雪煙色慘愴精靈聚孤根
倔彊源泉裂憶昨訪古憩其下居人不敢畱車
馬落籜尚禁牛羊食污穢頗遭縣官打丞相古
柏霹靂碎將軍大樹空蕭灑岡頭石路蒹草長
孫邵李許同一堂春風漂泊子到此不見古人

惟古楊古楊蕭蕭暮流急波翻浪倒蛟龍泣
女幽憂拾錦花逋臣寂莫愁難立君不見太行
羊腸莫比數上有毒蛇下猛虎樵斤獵火不虛
日桂柏椅桐氣悽苦嗚呼楊兮楊兮爾何盤根
據茲土

泉上雜歌

游子樂遊復長歎臨深坐歌白石爛石泉漠漠
常東流我今胡爲坐泉頭渚花冥冥野陰薄谿
日杲杲蒼雲愁君不見古來爭戰地山寒雪暮

歷代詩選

明李虞吉

五

風颼颼

美人被服貂襜褕春日遊行春水曲綠蘿無煙
山雪暝扣石長歌歎幽獨撥刺紅鱗錦湍游我
欲釣之且復休金盤玉箸在何許爲爾臨淵淚
如雨

大梁城西門行

水門堤口雙柏樹種之何年不記數風飡雨蝕
生氣微枝葉半周委官路烏鴉螻蛄復啄食我
行見之淚如注古來根本忘先撥嗚呼奈此棟
梁具及今可爲當語誰半夜吞聲向北去

寶刀篇

我有吳王雙寶刀龍鱗雪花爛照地奉君清宴
可君意佩之十年不曾離黃金鞶帶白玉鈎出
入颺颺魑魅愁功高見疑反遭怒此物拋擲今
兩秋丈夫生世軼軻亦如此終日戚戚何爲爾

思歸引

疾風吹寒破南極凍雨濺濺山樹黑天昏歲暮

歷代詩選

明李虞吉

五

次集卷八十一

九

百憂併中夜悲歌淚沾臆起視衆星白爛爛我
今胡爲在長安思歸路阻多苦寒嗷嗷何處失
羣雁翅濕高飛嗟汝難

歸來行

天下儒冠豈盡誤迂謬弃捐仍道路九月江山
凍煙霧百年裘馬衝霜露窮達自知休怨天歸
來且種東陵田齒過四九已不小釣魚獵兔亦
得飽

解會行

都昌縣南乾沙上射雁者誰三五羣羶帽紅裘
黃戰裘云是解會官達軍沙下北風吹艦旗邊
軍歡喜家軍悲朝廷日夜望俘至雪凍會船猶
住茲縣官逃走驛官啼要錢勒酒仍要雞姚源
遺孽尚反覆爾曹不得誇遠西

餘干行

荒濱鶻立夕啼鵠春行綠岬竹木枯黃蒿破屋
走白狐東至信州西鄱湖男兒輸粟婦刈芻問
誰爲此軍前須去年冰雪十丈餘凋瘁至今猶

未蘇姚源帶甲已數萬巖淤莫展金僕姑近聞
殺官兵復北道路誼傳真有無安能飛刀取賊
顛貂裘白馬還京都

襄陽歌

烈風夜行峴山道天陰城空鬼鳴嘯蒹葭委折
波濤白通濟橋頭老鷓鴣人言黃昏虎搏牛牛
虎兩傷歸各憂萬全豈爾能前謀不如置之寬
且休君不見百足之虫光如虹雷火燒死枯樹

中

襄陽山勢何所似東如翥鳳西虎蹲墓堆纍纍
不空地于中豈少英雄魂大堤先前花艷時朱
樓細柳黃金羈但看舊園歌舞處掘發金釵知
是誰君今有酒不能飲恨不駟馬軒車馳縱及
金張許史將焉爲身後埋沒蒿草疇見知

久雨柬黃子

微晴見月月仰瓦城中水淹雨猶下郊園淡旬
不一出不畏衝泥畏沒馬苔蘚自上庄氏壁蓬

蒿日深仲蔚舍人言甲子船入市幸君豫問龍
舟者

上元訪杜鍊師

宣皇昔時乘八風御龍遊戲行煙空馬前兩兩
侍玉女別館多在蓬萊宮朝天宮中舊時殿樓
臺晝鎖無人見瑠璃井塌青苔滿松柏森森月
如練嗚呼往事難具陳燈火如山又一春北斗
壇西訪隱淪我師黃衫白氎巾坐我更致西樓
賓玉杯漱灑赤瑪瑙織罽四角銀麒麟酒肉山

堆滿堂醉仙厨往往來八珍
孝宗之朝五
人師也磊落當其倫自言召見親賜食曾把丹
書獻紫宸如今寂莫看春色銀魚玉帶無消息
豈惟魚帶無消息欲語吞聲淚沾臆勸師對此
莫酸辛世間萬事如轉輪且將芝草供生計聊
與煙霞作主人月偏彩雲當牖生旋呼兩童吹
玉笙聞師妙得逡巡術百壺倒盡還須傾古來
仙子向誰在飲者翻垂千載名名垂千載亦區
區酒闌燈昏夜復徂不見秦陵草已宿春生樹

啼雙老鳥此時亦應羣帝趨金燈翠旗光有無
奉送大司馬劉公歸東山草堂歌
東山有草堂縹緲雲嶠孤前對祝融峯下瞰巴
陵湖明公昔時此堂居麋鹿熊豕當窗趨洞庭
日落風浪湧倒影射堂堂欲動慘淡誰聞紫芝
曲獨善不救蒼生哭先帝親裁五色詔老臣曾
受三朝祿此時邊徼多戰聲曳履謁帝登承明
謝安笑却淮淝敵魏相坐測單于兵九重移榻
數召見夾城日高未下殿英謀密語人不知左

右微聞至尊羨自從龍去不可攀公亦臥疾思
東山湘娥含笑倚竹立山鬼窈窕堂之側上書
苦死只欲歸 聖旨優容意悽惻內府盤螭縷
金織賜出傾朝皆動色白金之鋌紅票記寶鈔
生硬雅翎黑崇文城門水雲白是日觀者途路
塞城中冠蓋盡追送塵埃不見長安陌人生富
貴豈有極男兒要在能死國不爾抽身早亦得
君不見漢二疏千載想慕傳畫圖卽如草堂何
處無祿食醜竊胡爲乎乃知我公真丈夫嗚呼

乃知我公真丈夫

不七峰歌壽范郎中淵

我聞桂陽江上峰平地突出七芙蓉三峰岩壑

如列戟四峰裊裊翔飛龍孤水東來走其下上

巖下巖惟古松有時雲霧滿四壑洞中仙侶時

相逢使君磊落中行後家傍前峰對江口暗想

精靈盤礴初嶽降生申理或有平生氣與蒼壁

高落筆燿霞常在手六載為郎不愛身五十生

兒將白首湘南新鮓紅勝玉燕京高會多名酒

歲歲登堂娛笑歌我七峰為爾壽

送人還關中

君不見劉毅貧時一擲常百萬君不見唐時鄭

虔道高坎壈腹無飯英雄際會各有時人生豈

必皆如願關中老翁燕薊客昔何慷慨今何怨

王通無媒畚叩關揚雄有賦何由獻君歸射獵

南山麓得錢且學樊侯販

雪東鄭生

夜來雪花如掌大無事閉門但眠卧僵牛死馬

非所慮天翻地裂疇能那近時好事最者誰微
 州鄭生差愛我甕頭春酒不餘瀝天明梳洗午
 尚坐北風其涼二儀閉雪吹飛沙映天過老夫
 畏寒况無力生也乃是雄豪佐梁園之陌平若
 掌放兔呼鷹無不可不然騎驢學爾祖乘興一
 鼓山陰柁梁園仲冬雪積阻慘慘風亂平沙樹泥深馬瘦
 不得行縹緲金陵在何處青絲絡酒提玉瓶強

送鄭器

出送子城東亭旦望淮河暮江水雲飛鴻雁天

冥冥

寄鮑宇

愧我夷門草堂寂種菊蕪穢生蓬蒿爾家華堂
 近江滸開花爛熳秋雲高去年此日同為客今
 年對菊遙相憶黃山練水在何處獨倚南窗望
 南國

君不見贈鄭莊

君不見江上雁嗷嗷喚儔侶勁羽輕毛常趁風

歷代詩選 明李處吉
往來漂泊如羈旅男兒落地既有身誰能齷齪
猶婦人懷中有劍亦不貧吳下阿蒙君莫嗔

送鮑激還歛

昔時賢達或未遇途路坎坷常固窮
益車騏驥亦拋擲人生豈得無西東
君年五十猶未通江湖去任隨飛鴻
黃山紫陽日索寞題詩早向軒轅宮

送鮑相如金陵

去冬君行雪積阻相送城東念羈旅
今冬相逢不逾月再別令我情更苦
金陵市頭酒如蜜此去酣歌與誰侶
我在梁園獨岑寂莫教碧草生春渚

馮御史允中書

鳳皇不識梧桐樹一落蓬蒿鳥雀欺
滄洲鴻鵠長毛羽縱有雲羅柰爾爲
昨日柳陽馮侍御臨流寄我錦雙魚
黃河峻嶒雪十丈過臘逢春始得書
開緘不見下江舸梅花滿枝空淚予

白鹿洞別諸生

東南自有匡廬山，遂與天地增藩衛。山根插入
彭蠡湖，崢嶸背殺三江勢。地因人勝，古有語於
乎萬物，隨興廢。學館林宮，客不棲。千岩萬壑，堪
流涕。文采昔賢，今尚存。講堂寂寞，對松門。松門
桂華，秋月圓。拄杖高尋萬古源，梅嶺古色照石
鏡。扶桑丹霞迎我軒，絕頂坐歌霜月淨。石潭洗
足芝草繁，更有冠者五六人。峭崿窮嶂同攀蹇，
草行有時聞過虎。旦暮時復啼清猿，我今胡爲
公務牽。蟋蟀在戶難久延，出山車馬走相送。落

日遂上鄱陽，船生徒繚戀。集涯滄孤帆，月照仍
留連。情深過厚亦其禮，謫薄竊愧勞。設賢明朝
伐鼓凌浩蕩，五峰雙劍生秋煙。

寄鄭生歌

南康烈風無時休，將歸船滯增煩憂。空城雪理
狐兔走，十日凍合鼉河洲。廬山只尺不得往，汝
在梁園獨予想。開緘歎恨東遊阻，琅玕天姥春
空長。

戲贈周紀善

廣文先生何爲者十欲出門九借馬只今徒步
襄水濱衰髮漠漠常風塵鳳凰在笈雞啄食苜
蓿闌干半青黑君不見楚筵醴罷暮歸來甌塵
妻子無顏色

薄陽寄毛君湖口

大江六月涼風發在廬清波滾明月削出萬朶
青芙蓉水底搖動金銀闕美久盈盈坐湖縣昏
叩石鐘曙晞髮悵望迢迢碧雲合早晚扁舟向
蠻越

胡馬來再贈陳子

冬十二月胡馬來白草颯颯黃雲開沿邊十城
九城閉賀蘭之山安在哉傳聞清水不復守遊
兵早扼黃河口卽看烽火入甘泉已詔將軍屯
細柳去年穿塹長城裏萬人齊出千人死陸海
無毛殺氣蒸五月零冰凍河水當時掘此云備
胡胡人履之猶坦途聞道南侵更西下韋州固
原今有無從來貴德不貴險英雄豈可輕爲謨
尚書號令速雷電抱玉誰敢前號呼遂令宵旰

議西討茲咎只合歸吾徒我師如貔將如虎九重按劔赫斯怒惜哉尚書謝歸早不覩將軍報平虜

賦得姑蘇臺送李推官士允

少年何官騎白馬秋日經過古臺下回瞻遠慮意撼促下馬行歌淚盈把猗嗟築此誰爲臺千年棄土猶崔嵬廩廊娃館瓦礫積美人白骨生青苔枯蒿虫吟莽颯颯飛雲叫雁雙徘徊當時金屋玉起樓豈謂臺成麋鹿游寶鈿黃金裏瑟

瑟雨晴濯出樵人收李生

風儔悲歌久

把流連憂世家各讀日一過獨廢吳越傷春秋復思鴟夷氣益奮怒目每送長濤流扶眼東門事已往茲臺再過君休上日暝煙波湖水深范歸恐有同行漿

贈鄭生

狐裘驅馬誰家子往來馳驟塵沙起右撚羽箭左把弓仰射忽墮雙飛鴻野寒日昏慘慘風下馬揖我立我東一箭直西貫楊樹抽身上馬入

城去與立共東一箭直西黃然嶽嶽良士其人

石峰子昔住石峰山茅堂巖壑豁衍間松孤桂

叢白日靜坐玩碗礪聆潺湲石峰子驂鸞覲帝

今幾秋狄猿哀嘯鴻鵠愁頃為四岳振南州珠

唾瓊海毒厲收丹穴有鳳鳴啾啾願子早致儀

西周經過舊山莫淹留君不見舊山頭葛藟蔽

霧寒泉流

雨燕醉歌

迅雷擊城鴉欲翻黑雲壓天白晝昏展席敘對

城南門長安大雨如傾盆我馬已惜錦障泥主

人况具黃金罇睥睨將將下萬瀑龍蛇緜緜動

高壁出門牛馬不復辨炎霧毒蒸靜如拭酒酣

為君如意舞夕雨轉急風轉怒祗恐谿壑受不

得海倒江翻亦難測

石將軍戰場歌

清風店南逢父老告我已巳年間事店北猶存

古戰場遺鏃尚帶勤王字憶昔蒙塵實慘怛反

歷代詩選

明李虞言

次集卷八十一

石

覆勢如風雨至紫荆關頭晝吹角殺氣軍聲滿
幽朔胡兒飲馬彰義門烽火夜照燕山雲內有
于尚書外有石將軍石家官軍若雷電天清野
曠來酣戰朝廷旣失紫荆關吾民豈保清風店
牽命負子無處逃哭聲震天風怒號兒女床頭
伏鼓角野人屋上看旌旄將軍此時挺戈出殺
胡不異草與蒿追北歸來血洗刀白日不動蒼
天高萬里風塵一劍掃父子英雄古來少天生
李晟爲社稷周之方叔今元老單于痛哭倒馬
關羯奴半死飛狐道處處歡聲噪旗鼓家家生
酒犒王師休誇漢室嫖姚將豈說唐朝郭子儀
沈吟此事六十春此地經過淚滿巾黃雲落日
古骨白沙礫慘淡愁行人行人來折戰場柳下
馬坐望居庸口却憶千官迎駕初千乘萬騎下
皇都乾坤得見中興主日月重開再造圖梟雄
不數雲臺士楊石齊名天下無嗚呼楊石今已
無安得再生此輩西備胡

乾陵歌

歷代詩選
明李處
九重之城雙闕峙前有無字碑突兀雲霄裏相
傳翁仲化作精黃昏下山人不行蹂人田禾食
牛豕強弩射之妖亦死至今剝落臨道傍大者
虎馬小者羊問此誰者陵石立山崔嵬銅鐵鋼
重泉銀海中榮廻巢也信力何由開君不見金
棺玉匣出人世薔薇冷面飛塵埃百年枯骨且
不保婦人立身何草草

劉子有金陵之差遂便覲省

使君昔居紫荆關日登燕嶠望吳山逢人顏色
鬱黯黯對酒涕泗交潺湲使君南向金陵去孤
帆夜拂春天樹旅枕常欹月落時夢魂先到雲
飛處楊子江頭青草斜大孤山前開杏花行人
三月重回首遊子一年初到家出門煙草滿芳
甸鳳皇臺接麒麟殿遊陌聯翩追宿娛墨場婉
戀羅賓讌人生意氣無南北白馬青袍動江色
卽看艤舸石頭城還聞稅鞅鍾山側鐘山翠嶺
壓秦淮燕趙風雲入望來芙蓉秋雁多愁思問
君何日錦帆廻

送仲副使赴陝西

驄馬白玉鞍長鳴下雲端今朝發汴水何日到
 長安孝王臺前雪如山垂楊掃地春風還使君
 面有水霜色却帶春風入漢關相思明月樓西
 望古秦州河南咫尺不可見何況千山萬水頭
 西望秦州是我鄉隴樹秦雲空斷腸褰帷杖鉞
 經行地欲寄雙魚到慶陽

龍州歌送沈編脩使安南

龍州南接六那溪白鷗黑猿相間啼烏蠻灘頭

苦竹密伏波廟前春日西揚旌走馬迎天使擁
 節封王壯漢儀試向殊邦觀禮樂交南元是舊
 邊陲

漢江歌送范子之桂陽

漢江江上題鳩鳴漢江遊客無限情青山落日
 下帆影芳艸月明聞櫂聲黃鶴磯頭暮雲盡鸚
 鵡洲邊春水生莫倚仲宣能作賦洞庭南接桂
 陽城

題畫

雪城陰陰氣蕭瑟鄭生提畫來相訪面顏戚促
意不樂告我欲買南行舫覽畫指點色惆悵雨
倒江翻拔層浪君不見江上簑笠翁歸遲水逆
憂天風

題畫搖筆成詩

去年得歸離江州七日遂登黃鶴樓南風捲江
浩呼洶厯雷欲翻鸚鵡洲七澤莽昧不入眼孤
舟屈曲襄河轉數月已擲檀家湖夢飛每到羊
公峴峴脚山南東道樓秦川公子醉悲秋檻邊
斑竹古猶活雲石寂寞蒼梧愁重華馭遙不可
叫白沙黑猿踈樹幽看圖彷彿曾遊處素壁青
天漢水流

題畫山水送人還歛

黃山沙溪杳何許圖之山水無乃是軒轅宮宰
相里山人一出彌荆杞石林漠漠蹊徑苔霜鶴
夜悲猿嘯哀紅顏踪跡半湖海白頭覽畫思歸
來溪頭繫一舫畫師本無意宛如倦遊者無復
舟航事水雲迤邐山雲高靜定方知動者勞回

思少日歡娛地至今夢寐猶波濤
不與九江陸還南康望東林
在廬山北東林寺前年八月遊曾至只今馬出
蓮峰道西望東林但縹緲風吹柵獮猿晝啼卻
憶石門臨虎溪舊聽石瀨尚在耳雷燒碑樹今
應死

天竺楊花篇

洛陽三月東風起楊花飛入千門裏只見朝榮
上苑煙那知夕逐東流水苑煙流水無休欲暖

日輕盈度仙闕趙女瑤臺貯綵霞班娘團扇啼
明月綵霞明月幾沈輝陌上行人亂撲衣征夫
柳塞愁看雁少婦深閨懶下機柳塞香閨萬餘
里草色連天度隴水玉門關外雪猶飛章臺樹
杪風先起誰家浪子千金馬平明挾彈章臺下
頭上羅巾玳瑁簪腰間寶鈿珊瑚把踏絮來尋
賣酒家持香坐調當壚者當壚美女怨陽春笑
掇楊花襯繡裯青樓薄暮難消遣白雪漫天愁
殺人冥冥漠漠春無極此時惟有楊花色一朝

風雨靡蕪爛獨慘垂條三歎息

明星篇

正德間早起聞內教場砲喊之聲作此篇也

明星出地一丈高天門沈沈魚鑰動沙堤露下
玉珂寒直廬雞唱金蓮重千門萬戶曉鐘發明
星漸高河漸沒燦爛疑侵翔鳳樓依稀故抱飛
龍闕鳳樓龍闕帶曾城翠輦朱衣夜夜行黃昏
競奏催花宴天明猶聽打球聲蘭煙桂火輝如
日明星迢迢照不入百子池頭青草生長信宮
中紫苔集草色苔香秋復春此日乘槎若問津

明星曉落甯還見白髮黃金愁殺人

漢京篇

漢京臨帝極復道衆星羅煙花開甸服錦繡列
山河山河自古稱佳麗城中半是王侯第峻閣
重樓夾道懸雲房露殿森虧蔽牧豚賣珠登要
津樊侯亦是鼓刀人時來叱咤生風雨奄見吹
嗑走鬼神平津結兄蓋侯弟杯酒相看何意氣
執鞭盡是虎賁郎守門不說長安尉長安烽火
入邊城挺劔辭君萬里行去日千官遮馬餞歸

來天子降階迎朱弓尚抱流沙月寶鉞常飛瀚
 海星不分燕然先勒石真教麟閣後標名豈如
 盛滿多仇忌可惜榮華如夢寐地宅田園奪與
 人丹書鐵券成何事霍氏門墻狐夜號魏其池
 館長蓬蒿三千劍客今誰在十二珠樓空復高
 後車不戒前車覆又破黃金買金谷洛陽亭榭
 與山齊北邙車馬如雲逐陰郭豪華真可憐雲
 臺將相珥貂連當時却怪桐江叟獨着羊裘伴
 帝眠

七夕贈王昌程誥

橋酒椒羊召朋侶擬向今宵看牛女雨來颯颯
 楓林秋張燈促燕開東樓王侯旣駕鐵馬立前
 驅北首旌旗濕程生買棹亦欲歸長江南望雲
 飛飛人生去住料豈得一日同歡有南北君不
 見雙星一水意脉脉轉眼陰晴不可測且倒金
 尊澆胸臆

鈴山堂歌

先生昔隨玄豹住丹壑冥濛日煙霧先生今與

赤龍飛南望碧山空翠微茅堂蒼蒼雲氣入囊
琴鎖戶陰陰濕沚蘭沙温春鳥暮庭松月清夜
鶴立君不見山下石卷巖千尺磯經年不釣苔
成衣玉璜羊裘各有分可問王孫歸不歸
洛陽道
桃花馬金絡頭白面郎紫貂裘三月洛陽道垂
柳蔭清溝溝水東流不記春花开花落幾廻新
東風日暮楊花起愁殺高樓獨倚人

野田黃雀行

鶻奔鶻僵僵來逢野田雀相逐過南疆北地
苦霜雪南地多稻梁人生美食被綺衣不及鴻
雁能高飛鴻雁下天遭羅網不食奈爾黃雀何

苦寒行

太行之山何崔嵬天寒谿谷禽獸飢黃熊赤羆
力相食翠衿繡翼徒南飛啄食飲泉百意足野
田穉子苦無衣張羅掛畢伺鳥雀口作雌雄鳴
且悲鶴鶉小鳥鼓翅落鼎食之家意不樂頓箸
待爾登品錯奏應鐘開玄堂瓊幃錦幄冬夜長

微禽效體樽俎光禿鶯鴛鶴當簷翔

且結交行

昔時韓生有艷妻其君使築青陵臺南山有鳥
不肯來烏鵲雖小禽不受鸞鳳猜以此築臺成
二人葬寒灰舉國見之悲且哀悲且哀斷人腸
墳上連理樹變爲兩鴛鴦搯吮交頸綺翼張春
風蛺蝶花飄揚君不見酈呂結交日朝爲刎頸
暮拋擲如此結交復何益

梁園雪歌

昔對燕山雪岩巖白玉京時曳王恭氅飄飄入
紫清今爲梁園客獨對梁園雪黃雲索寞連滄
海九疑望盡飛鴻絕

歲暮夜懷寄友

梁客梁甫吟北風號沙林連山激湍波海氣結
愁陰雖持一杯酒而有萬古心越鳥不巢燕代
馬不戀越天明太行雪霜凍洛門月颯颯湘流
深冥冥蒼梧隔逝矣徒離憂芳蘭爲誰結

酬錢水部錫山之招

歷代詩選 明李虞吉 卷之十一
無錫錢少陽招我棲錫山江上千萬峰裊裊凌
江關下有震澤湖旁有泰伯灣昔時蘇公慕陽
羨陽山錫山對相見我獨何爲阻茲遊西風吹
心落吳甸我問錢少陽汝今在何所振轡金馬
門看花曲江滸徐庶竟辭劉張翰憶吳州鷺湖
雲嶼間鴻山林樹秋我今放浪黃河隅遙憶白
粲心鬱紆幾時彈劔賦歸來與爾共醉芙蓉湖

寄錢水部

我今在何所牧釣睢川陽子今在何所飛蓋臨

東方高山大澤不我限胡爲日夜遙相望鴻雁
日南飛不寄一封書離別春草生相思秋葉疎
朝看渤海雲暮眺滄洲月樹寒多天風相思幾
時歇

十六夜

唧唧復唧唧當戶鳴促織月中何所有云是仙
桂枝此桂開花復結子安得夜夜常不虧君不
見梁園酒一斗錢十千昔時信陵有賓客不飲
豈足稱豪賢直須醉酹卧草澤明日射獵睢陽

川山嶺峯... 戲作放歌寄別吳子

吳名廷舉
字獻臣

惟昔少年時彈劍輕遠遊出門覽四海狂顧無
九州獻策天子賜顏色錫宴出入黃金樓揚鞭
過市萬馬辟半醉唾罵文成侯結交盡是扶風
豪片言便脫千金裘彎弓西射白龍堆歸來洗
刀青海頭崑崙河積不入眼拂袂乃作東南遊
江海洶湧浸日月島嶼感杳混吳越在廬小瑣
拳可碎鄱湖觸怒踢欲裂澤中龍怪能人言噴

濤吹浪昏漲天大鵬舉翼四海窄笑爾弋人何
慕焉東湖子君非洪恣闇穆取位之丈夫余亦
豈卑卑與世而浮沈恂復共鬪非庸劣廉藺終
投萬古欽攀鱗掃氛代不乏我豈復戀頭上簪
鹿門黃犢穩足駕商顏紫芝山固深有飛倘附
秋空音



石倉十二代詩選

明次集卷八十一 終

歷代詩選

月夕賦古

次集卷八十一

完

